

四庫全書

集部

欽定四庫全書

御定全唐詩卷七百三十一

胡宿

以下四人或云宋人諸  
本並附唐末今仍舊

胡宿唐末人詩十九首

津亭

津亭欲闕戒棠舟  
五兩風來不暫留  
西北浮雲連魏闕  
東南初日滿秦樓  
層城渺渺人傷別  
芳草萋萋客倦遊  
平樂舊歡收不得  
更憑飛夢到瀛洲

古別

長道何年祖輟休，風帆不斷岳陽樓。  
佳人挾瑟漳河曉，壯士悲歌易水秋。  
九帳清油徒自負，一作貴百壺芳醕豈  
消憂。至今長樂坡前水，不啻秦人怨隴頭。

塞上

漢家神箭定天山，煙火相望萬里間。  
契一作頡利請盟金七酒，將軍歸卧玉門關。  
雲沈老上妖氛斷，雪照回中探騎閑。  
五餌已行王道勝，絕無刁斗至闐顏。

寄昭潭王中立

高絃一弄武陵深  
六幘天空萬里心  
吳苑歌驪成久別  
楚峰回雁好歸音  
十千美酒花期隔  
三百枯棋奕思沉  
莫上孤城頻送目  
浮雲西北是家林

雪

屏翳驅雲結夜陰  
素花飄墜惡氛沈  
色欺曹國麻衣淺  
寒入荆王翠被深  
天上明河銀作水  
海中仙樹玉為林  
日高獨擁鸛裘卧  
誰乞長安取酒金

冲虛觀

五粒青松護翠苔石門岑寂斷纖埃水浮花片知仙路  
風遞鸞聲認嘯臺桐井曉寒千乳斂茗園春嫩一旗開  
馳煙未勒山亭字可是英靈許再來

淮南發運趙邢州被詔歸闕

天臺封詔紫泥馨馬首前瞻北斗城人在函關先望氣  
帝於京兆最知名一區東第趨晨近數刻西廂接畫榮  
正是兩宮裁化日百金雙壁拜虞卿

天街曉望

長樂才聞一叩鐘  
百官初謁未央宮  
金波穆穆沙隄月  
玉樹瑩瑩上苑風  
香重椒蘭橫結霧  
氣寒龍虎遠浮空  
嗟余索米無人問  
行避霜臺御史驄

淮南王

貪鑄金錢盜寫符  
何曾七國戒前車  
長生不待爐中藥  
鴻寶誰收篋裏書  
碧井牀空天影在  
小山人去桂叢疎  
雲中雞犬無消息  
麥秀漸漸徧故墟

趙宗道歸輦下

公牒相逢楚水湄  
竹林文酒此攀嵇  
半氈未暖還傷別  
一臂初交又解攜  
江浦嘔啞風送檣  
河橋勃窣柳垂隄  
明年四月秦關到  
洗眼揚州看馬啼

憶薦福寺牡丹

十日春風隔翠岑  
祇應繁朶自成陰  
樽前可要人顏玉  
樹底遙知地側金  
花界三千春渺渺  
銅槃十二夜沈沈  
雕槃分纂何由得  
空作西州擁鼻吟

次韻和朱况雨中之什

蒼野迷雲黯不歸，遠風吹雨入巖扉。  
石林潤極琴絲緩，水閣寒多酒力微。  
夕夢將成還滴滴，春心欲斷正一作更。  
霏霏憂花惜月長，如此爭得東陽病骨肥。

感舊

千里青雲未致身，馬蹄空踏幾年塵。  
曾進玉洞花光老，欲過金城柳眼新。  
粉壁已沈題鳳字，酒壚猶記姓黃人。  
塢中橫笛偏多感，一涕闌干白角巾。



城南

昨夜輕陰結夕霏城南十里有香泥初聞山鳥驚新哢  
遙見林花識舊蹊蕩漿遠從芳草渡墊巾還傍綠楊隄  
羅敷正苦桑蠶事惆悵南來五馬蹄

早夏

井轄投多思不禁密垂珠箔晝沈沈睡驚燕語頻移枕  
病起蛛絲半在琴雨徑亂花埋宿艷月軒修竹轉涼陰  
一春酒費知多少探盡囊中換賦金

侯家

洞戶春遲

一作源

漏箭長短轅初返  
維陽傍綵雲按曲青

岑醴沈水薰衣白  
壁堂前檻蘭苕依玉樹  
後園桐葉護銀牀  
宴殘紅燭長庚爛  
還促朝珂謁未央

玉谷關

天開函谷壯關中  
萬古驚塵向此空  
望氣竟能知老子  
棄繻何不識終童  
謾持白馬先生論  
未抵鳴雞下客功  
符命已歸如掌地  
一丸曾誤隗王東

殘花

雨壓殘紅一夜凋  
曉來簾外正飄搖  
數枝翠葉空相對  
萬片香魂不可招  
長樂夢回春寂寂  
武陵人去水迢迢  
愁將玉笛傳遺恨  
苦被芳風透綺寮

次韻徐爽見寄

五兩青絲帝渥深  
平時可敢嘆英沈  
侏儒自是長三尺  
滌統都來直數金  
寂寞死灰人喪偶  
婆娑生意樹交陰  
年來想見瓊枝色  
久夢蘧蘧到竹林

杜常

杜常唐末人詩一首

華清宮

行盡江南數十程  
曉星殘月入華清  
朝元閣上西風急  
都入長楊作雨聲

滕白

滕白官郎中歷臺省有工部集一卷今存詩二首

題文川村居

種茶巖接紅霞塢  
灌稻泉生白石根  
蟠腹老翁眉似雪  
海棠花下戲兒孫

燕

短羽新來別海陽  
真珠高卷語雕梁  
佳人未必全聽爾  
正把金針繡鳳凰

王岳

王岳蜀人曾避地荆南  
有集一卷今存詩六首

題嚴君觀

寒雲古木罩星臺  
凡骨仙蹤信可哀  
二十年前曾此到  
一千年內未歸來

山中有所思

零零夜雨漬愁根  
觸物傷離好斷魂  
莫怪杜鵑飛去盡  
紫薇花裏有啼猿

燕

一巢功績破春光  
絮落花殘兩翅狂  
月樹風枝不棲去  
強來言語泥雕梁

貧女

難把菱花照素顏  
試臨春水插花看  
木蘭船上遊春子  
笑指荆釵下遠灘

杪春寄友人

何處相逢萬事忙  
卓家樓上百淘香  
明朝漸近山僧寺  
更為殘花醉一場

回舊山

庾家樓上謝家池  
處處風煙少舊知  
明日落花誰共醉

野溪猿鳥恨歸遲



御定全唐詩卷七百三十一

欽定四庫全書

御定全唐詩卷七百三十二

高力士

高力士明皇時宦官被寵封齊國公後為李輔國所構

配流黔中詩一首

感巫州薺菜

力士謫黔中道至巫州地多薺而人不食因感之作詩寄意

兩京作觔

一作片

賣五谿無人采夷夏雖有殊氣味都不

改

一作固常在

句

煙燻眼落膜瘴染面朱虞

流巫州  
時作

王越賓

王越賓明皇時中官詩一首

使至瀟山

神異錄明皇嘗夢游  
瀟岳遣越賓祀之

碧塢煙霞晝未開  
游人到處盡裴回  
憑誰借問巖前叟  
曾託吾皇一夢來

王良會

王良會憲宗時內侍為西川監軍使詩一首

和武相公中秋夜西蜀錦樓望月得清字

德星搖此夜  
珥月滿重城  
杳靄煙氛色  
飄飄砧杵聲  
令行秋氣爽  
樂感素風輕  
共賞千年聖  
長歌四海清

南詔驃信

驃信南詔酋也詩一首

星回節游避風臺與清平官賦

南詔以十二月十六日為星回

節唐書南詔官曰清平者猶唐之宰相

避風善闡臺

南詔別都曰善闡府

極目見藤越

鄰國之名

悲哉古與今

依然煙與月自我居震旦

謂天子為震旦

翊衛類夔契伊昔頸

皇運艱難仰忠烈不覺歲云暮感極星回節元昶

謂朕曰元

謂卿曰昶

同一心子孫堪貽厥

趙叔達

趙叔達南詔清平官詩一首

星回節避風臺驃信命賦

法駕避星回波羅毘勇猜

波羅虎也毘勇野馬也驃信昔年幸此曾射野馬并虎也

河潤冰難合地暖梅先開下令俚柔洽

俚柔百姓也

獻縣弄

棟

國名

來願將不才質千載侍游臺

楊奇鯤

楊奇鯤南詔宰相有詞藻僖宗幸蜀時來朝行在詩一

首

途中詩

首缺二句

風裏浪花吹更白

雨中山色洗還青海鷗聚處窗前見林狖啼時枕上聽

此際自然無限趣王程不敢暫留停

布燮

布燮長和國使人南詔鄭氏篡蒙氏改國號曰大長和  
布燮官名其宰相也詩二首

聽妓洞雲歌

嵇叔夜鼓琴飲酒無閑暇若使當時聞此歌拋擲廣陵  
都不藉劉伯倫虛生浪死過青春一飲一碩猶自醉無  
人為爾卜深塵

思鄉作

瀘北行人絕雲南信未還庭前花不掃門外柳誰攀坐  
久銷銀燭愁多減玉顏懸心秋夜月萬里照關山

朝衡

品彙作  
胡衡

朝衡字巨卿日本人開元初日本王聖武遣其臣粟田  
副仲滿來朝請從諸儒授經仲滿慕華不寫去易姓名  
曰朝衡歷左補闕久之歸國上元中擢散騎常侍詩一

首



銜命還國作

銜命將辭國非才忝侍臣  
天中戀明主海外憶慈親  
伏奏違金闕駢駢去玉津  
蓬萊鄉路遠若木故園林  
西望懷恩日東歸感義辰  
平生一寶劍留贈結交人

長屋

長屋日本相國也詩一首

繡袈裟衣緣明皇時長屋嘗造千袈裟繡偈於衣緣來施中華真公因泛海至彼

國傳

法馬

山川異域風月同天寄諸佛子共結來緣

王巨仁

王巨仁新羅國隱士詩一首

憤怒詩

朝鮮史畧云新羅女主曼與魏弘通由死復引年少美丈夫私之授以要職由

是佞倖肆志紀綱壞弛時有人譏謗時政榜於路主疑隱者王巨仁所為命下獄將誅之巨仁憤怨作詩書獄壁是夕忽震雷雨雹主懼釋之唐僖宗文德初年事也

于公慟哭三年旱鄒衍含愁五月霜今我幽愁還似古

皇天無語但蒼蒼

李贊華

李贊華遼太祖長子名倍小字突欲聰敏好學嘗市書萬卷藏醫巫間絕頂之望海堂能詩畫兼精技術奔唐明宗賜姓名後為廢帝所害詩一首

立木海上刻詩

遼史突欲初為太子以淳欽后愛德光不得已讓位國於東平

不得志明宗招之立木刻詩云云遂攜高美人並載書籍浮海至

小山壓大山大山全無力

一作氣

羞見故鄉

一作本邦

人從此

投外國

一作化外

成輔端

成輔端貞元中優人德宗以其誹謗國政決殺之言者以為託詼諧諷諫不可加罪帝悔焉詩一首

戲語

唐書京兆尹司農卿李寔務聚斂進奉不恤災歎人窮無告乃徹屋瓦木賣麥苗以

供賦斂輔端因戲作語為秦民艱苦之狀如此者數十篇寔怒之言於帝故坐殺

秦地城池二百年何期如此賤田園一頃麥苗碩伍米三間堂屋二千錢

張隱

張隱龍紀初伶人詩一首

萬壽寺歌詞

據言云宰相張潘嘗與朝士萬壽寺閱牡丹抵暮飲不息伶人皆御

前供奉第一部恃寵肆狂無所畏憚中有張隱者忽躍出揚聲引詞云云唱訖遂去闔席愕然相盼失色而散

位乖變理致傷殘四面牆匡不忍看正是花時堪下淚  
相公何必更追歡

朱元

朱元即戟門門子詩一首

迎孫刺史

郡閣雅談云孫愿家自貞元已後三代為池陽刺史有戟門門子朱元迎

道左獻

詩曰

昔日郎君今刺史  
朱元依舊守朱門  
今朝竹馬諸童子  
盡是當時竹馬孫

陳璠

陳璠沛中走卒與徐帥時溥結好表為宿州太守後以貪污斬之詩一首

臨刑詩

璠不知書時以為鬼代作

積玉堆金官又崇，禍來倏忽變成空。  
五年榮貴今何在，不異南柯一夢中。

捧劍僕

捧劍咸陽郭氏之僕，雖在奴隸，嘗以望水眺雲為事。遭鞭箠終不改，後竄去。詩三首。

詩

主人怪其作詩，怒之。儒士聞而競觀，以為協律之詞，其主稍容焉。

青鳥銜葡萄，飛上金井欄。  
美人恐驚去，不敢捲簾看。

題牡丹

一種芳菲出後庭，却輸桃李得佳名。  
誰能為向天人說，從此移根近太清。

將竄留詩

珍重郭四郎，臨行不得別。  
曉漏動離心，輕車冒殘雪。  
欲出主人門，零涕暗嗚咽。  
萬里隔關山，一心思漢月。



御定全唐詩卷七百三十二

欽定四庫全書

御定全唐詩卷七百三十三

李密

李密京兆長安人隋末以父寬陰為左親侍宇文述勸  
令學因謝病讀書嘗乘一黃牛被以蒲韉挂漢書一帙  
於角上一手捉鞞一手翻卷越公楊素見而異之語其  
子玄感傾心結納及玄感舉兵迎密為謀主兵敗亡命  
集衆據洛口自號魏公移檄州郡後為王世充所敗歸

唐拜光祿卿封邢國公行至桃林懼誅將叛史萬寶遣副將盛彥師追斬之詩一首

淮陽感懷

本傳云初密與楊玄感同反玄感敗密被獲用計得脫詣淮陽變姓名為

劉智遠聚徒教授鬱鬱不得志為五言詩詩成泣下數行人恠之告捕乃亡去

金風蕩初節玉露凋晚林此夕窮塗士鬱陶傷寸心野  
平葭葦合村荒藜藿深眺聽良多感徙倚獨霑襟霑襟  
何所為悵然懷古意秦俗猶未平漢道將何冀樊噲市  
井徒蕭何刀筆吏一朝時運會千古傳名諡寄言世上

雄虛生真可媿

孔德紹

孔德紹會稽人有清才事竇建德初為景城丞後為內  
史侍郎典書檄建德敗太宗誅之詩十二首

南隱遊泉山

名山狎招隱俗外遠相求還如倒景望忽似閨風遊臨  
崖俯大壑披霧仰飛流歲積松方偃年深椿欲秋野花  
開石鏡雲葉掩山樓何須問方士此處即瀛洲

行經太華

紛吾世網暇靈岳展幽尋  
寥廓風塵遠杳冥川谷深山  
昏五里霧日落三華陰  
疎峰起蓮葉危塞隱桃林  
何必東都外此處可抽簪

夜宿荒村

綿綿夕漏深客恨轉傷心  
撫弦無人聽對酒時獨斟  
故鄉萬里絕窮愁百慮侵  
秋草思邊馬遶枝驚夜禽  
風度谷餘響月斜山半陰  
勞歌欲叙意終是白頭吟

王澤嶺遭洪水

地籟風聲急天津雲色愁悠然萬頃滿俄爾百川浮還  
似金堤溢翻如碧海流驚濤遙起鷺迴岸不分牛徒知  
懷趙景終是倦陽侯木梗誠無託蘆灰豈暇求思得乘  
槎便蕭然河漢遊

登白馬山護明寺

名岳標形勝危峰遠鬱紆成象建環極大壯闡規模層  
臺聳靈鷲高殿邇陽烏暫同遊閬苑還類入仙都三休

開碧嶺萬戶洞金鋪攝心磬前禮訪道挹中虛

一作衡

遙

瞻盡地軸長望極天隅白雲起梁棟丹霞映拱樞露花  
疑濯錦泉月似沈珠今日桃源客相顧失歸途

送舍利宿定普巖

仁祠表虛曠祇園展肅恭棲息翠微嶺登頓白雲峰映  
流看夜月臨峰聽曉鐘澗芳十步草崖陰百丈松蕭然  
遙路絕無復市朝蹤

觀太常奏新樂

大君膺寶曆出豫表功成鈞天金石響洞庭弦管清八  
音動繁會九變叶希聲和雲留睿賞熏風悅聖情盛烈  
光韶濩易俗邁咸英竊吹良無取率舞抃羣生

賦得涉江采芙蓉

蓮舟泛錦磧極目眺江干沿流渡楫易逆浪取花難有  
霧疑川廣無風見水寬朝來採摘倦詎得久盤桓

賦得華亭鶴

華亭失侶鶴乘軒寵遂終三山凌苦霧千里激悲風心



危白露下聲斷綵弦中何言斯物變翻覆似遼東

送蔡君知入蜀二首

金陵已去國銅梁忽背飛失路遠相送他鄉何日歸  
靈關九折險蜀道二星遙乘槎若有便希泛廣陵潮

落葉

一作孔  
紹安詩

早秋驚葉落飄零似客心翻飛未肯下猶言惜故林

句

誰分菱花影還看蓬鬢秋

照鏡見白  
髮詩式

鄭頊

鄭頊滎陽人為王世充御史大夫太宗圍城時乞為浮屠世充惡而殺之詩一首

臨刑詩

幻生還幻滅大幻莫過身安心自有處求人無有人

劉斌

劉斌南陽人有詞藻嘗與虞世南孔德紹劉孝孫等結文會事實建德為中書舍人又事劉黑闥及敗沒突厥

中詩四首

和謁孔子廟

一作李百藥詩

性與雖天縱，主世乃無由。  
何言泰山毀，空驚逝水流。  
及門思往烈，入室想前修。  
寂寞荒階暮，摧殘古木秋。  
遺風暖如此，聊以慰蒸求。

和許給事傷牛尚書

名臣不世出，百工之所求。  
況乃非常器，遭逢興運秋。  
符彩照千里，銓衡綜九流。  
經綸資百物，樽俎寄皇猷。  
韶護

傾復理典禮，素還修。雖貞棟梁任，兼好藝文游。佇聞和  
鼎實行當，奉介丘高衢。翻稅駕，闕水遽遷舟。傳呼更何  
日，曳履聞無由。歸魂藐脩路，征櫂艤邗溝。林薄長風慘，  
江上寒雲愁。夜臺終不曙，遺芳徒自留。

送劉散員同賦陳思王詩得好鳥鳴高枝

春林已自好，時鳥復和鳴。枝交難奮翼，谷靜易流聲。聞  
關纔得性，繒繳遽相驚。安知背飛遠，拂霧獨晨征。

詠山

靈山峙千仞蔽日且嵒峩紫蓋雲陰遠香爐煙氣多石  
梁高鳥路瀑水近天河欲知聞道里別自有仙歌

劉闢

劉闢字太初擢進士第佐韋臯西川幕後代為節度使  
以叛誅詩二首

登樓望月二首

圓月當新霽高樓見最明素波流粉壁丹桂拂飛甍下  
瞰千門靜旁觀萬象生梧桐窗下影烏鵲檻前聲嘯逸

劉琨興吟資庾亮情遊人莫登眺迢遞故鄉程

皎潔三秋月巍我百丈樓下分征客路上有美人愁帳  
卷芙蓉帶簾褰玳瑁倚窗情渺渺憑檻思悠悠未得  
金波轉俄成玉筋流不堪三五夕夫婿在邊州

黃巢

黃巢冤句人舉進士不第廣明作亂破京都後滅于秦  
山狼虎谷詩三首

題菊花

貴耳集巢五歲時侍其翁與父為菊花  
詩翁未就巢信口曰堪與百花為總首

自然天賜齋黃衣父怪欲擊之

翁曰可令再賦巢應聲云云

颯颯西風滿院栽  
藥寒香冷蝶難來  
他年我若為青帝  
報與桃花一處開

不第後賦菊

待到秋來九月八  
我花開後百花殺  
衝天香陣透長安  
滿城盡帶黃金甲

自題像

陶穀五代亂離紀云巢敗後為僧依張全義于洛陽曾繪像題詩人見像識其

為巢  
云

記得當年草上飛，鐵衣著盡著僧衣。  
天津橋上無人識，獨倚欄干看落暉。



御定全唐詩卷七百三十三

欽定四庫全書

御定全唐詩卷七百三十四

羅紹威

羅紹威字端已魏州貴鄉人宏信之子唐末官魏博節  
度使封鄴王入梁累拜太師兼中書令集五卷今存詩  
二首

柳

妝點青春更有誰青春常許占先知亞夫營畔風輕處

元亮門前日暖時花密宛如颺六出葉繁何惜借雙眉  
交情別緒論多少好向仁人贈一枝

白菊

一作羅  
隱詩

雖被風霜競欲催皎然顏色不低摧已疑素手能妝出  
又似金錢未染來香散自宜飄淥酒葉交仍得蔭蒼苔  
尋思閉戶中宵見應認寒窗雪一堆

句

樓前澹澹雲頭日簾外蕭蕭雨脚風

羅袞

羅袞字子制臨邛人大順中歷左拾遺起居郎仕梁為  
禮部員外郎集二卷今存詩三首

清明登奉先城樓

年來年去只艱危春半堯山草尚衰四海清平耆舊見  
五陵寒食小臣悲煙銷井邑隈樓檻雪滿川原泥酒卮  
拭盡賈生無限淚一行歸鴈遠參差

清明赤水寺居

榆火輕烟處處新  
旋從閑望到諸鄰  
浮生浮世祇多事  
野水野花娛病身  
濁酒不禁雲外景  
碧峰猶冷寺前春  
蓑衣毳衲誠吾黨  
自結村園一社貧

贈羅隱

平日時風好涕流  
讒書雖盛一名休  
寰區歎屈瞻天問  
夷貊聞詩過海求  
向夕便思青瑣拜  
近年尋伴赤松遊  
何當世祖從人望  
早以公台命卓侯

隱開平中召  
拜夕郎不就

王鎔

王鎔成德節度使庭湊之五世孫中和中襲位梁受禪  
封趙王後為大將張文禮所滅詩二首

哭趙州和尚二首

師離流水動王侯  
心印光潛塵尾收  
碧落霧靈松嶺月  
滄溟浪覆濟人舟  
一燈乍滅波旬喜  
雙眼重昏道侶愁  
縱是了然雲外客  
每瞻餅几淚還流

佛日西傾祖印隳  
珠沈丹沼月沈輝  
影敷丈室爐烟慘  
風起禪堂松韻微  
隻履乍來留化跡  
五天何處又逢歸

解空弟子絕悲喜猶自潛然對雪帟

鄧洵

一作美

鄧洵美連州人或曰郴郡人晉天福中登第後還鄉上  
牋周行逢署館驛巡官已而行逢疑之貶為易俗場官  
使盜殺之詩一首

答同年李昉見贈次韻

詞場幾度讓長鞭又向清朝賀九遷品秩雖然殊此日  
歲寒終不改當年馳名早已超三院侍直仍忻步八磚

今日相逢翻自媿，閑吟對酒倍潛然。

李京

李京梁貞明六年登第詩一首

除夜長安作

一作李景詩

長安朔風起窮巷，掩雙扉新歲明朝是。故鄉何路歸鬢  
絲，饒鏡色。灑雪奪燈輝，却羨秦州雁逢春盡北飛。

許鼎

許鼎梁貞明六年登第詩二首



登嶺望

嶽嶽三江水悠悠五嶺關雁飛猶不度人去若為還

粵嶺四望

漢家仙仗在咸陽洛水東流出建章野老至今猶望幸  
離宮秋樹獨蒼蒼

王易簡

王易簡梁乾化中及第累官左拾遺謝職歸再召為郎  
遷諫垣臺閣三十年歸華山十年而終詩一首

官左拾遺歸隱作

一作辭官歸  
隱留詩一絕

汨沒朝班媿不才誰能低折向塵埃青山得去且歸去

官職有來還自來

朱褒

朱褒永嘉人善屬詩文值寇亂據州以同姓結援梁太祖奏授温州刺史充靜海軍使詩一首

悼楊氏妓琴絃

魂歸寥廓魄歸泉只住人間十五年昨日施僧裙帶上

斷腸猶繫琵琶絃

黃損

黃損字益之連州人梁龍德二年登進士第仕南漢劉  
龔累官尚書僕射有桂香集今存詩四首

公子行

春草綠綿綿驕驂驟煖煙微風飄樂韻半日醉花邊打  
鵲拋金盞招人舉玉鞭田翁與蠶婦平地看神仙

讀史

逐鹿走紅塵炎火德新家肥生孝子國霸有餘臣帝  
道雲龍合民心草木春須知煙閣上一半老儒真

出山吟

來書初出白雲扃乍躡秋風馬走輕遠近留連分岳色  
別離嗚咽亂泉聲休將巢許爭喧雜自共伊臯論太平  
昨夜細看雲色裏進賢星座甚分明

書壁

蘇軾云虔州布衣賴仙芝言損未老退歸  
一日忽遁去莫知所在子孫畫像事之凡

三十三年乃歸書壁  
上云云投筆而去

一別人間歲月多歸來人事已銷磨惟有門前鑑池水

春風不改舊時波

與賀知章還鄉詩多同

句

機關纔運動勝敗便相隨

以下並見吟窗雜錄

忽遇南遷客若

為西入心

往來三島近活計一囊空

三通明主詔

一片白雲心

掃地待明月踏花迎野僧

水語彭澤

澗山憶武陵深

金鐙冷光風宛轉錦袍紅潤雨霏微

高齋日月方為道動合乾坤始是心

傍水野禽通

體白飭盤山菓半邊紅

見零陵總記

而今世上多離別莫

向相思樹下啼

鷓鴣見古今詩話

張袞

張袞仕梁詩六首

梁郊祀樂章

慶肅

邊豆簋簋黍稷非馨懿茲彝器厥德惟明金石匏革以  
和以平由此無疆期乎永寧

慶熙

哲后躬享旨酒斯陳王恭無斃嚴祀惟寅皇祖以配大  
孝以振宜錫景福永休下民

慶隆

恭祀上帝于國之陽爵醴是荷鴻基永昌

慶融

導和氣兮襲氤氳宣皇規兮彰聖神服遐裔兮敷質文  
格苗扈兮息煙塵

慶休

大業來四夷仁風和萬國白日體無私  
皇天輔有德七旬罪已服六月師方克  
偉哉帝道隆終始常作則

慶和

煙燎昇禮容徹誠感達人神悅靈貺彰  
聖情結玉座寂金鑪歇

趙光逢

趙光逢京兆奉天人乾符五年登進士  
第釋褐鳳翔推



官入爲監察御史乾寧三年從駕幸華州拜御史中丞  
改禮部侍郎後仕梁至宰輔封齊國公詩八首

梁郊祀樂章

慶和

就陽位昇圜丘佩雙玉御大裘膺天命擁神休萬靈感  
百祿道

秉黃鉞建朱旗震八表清二儀帝業顯王道夷受景命  
啟皇基

開九門懷百神通  
盼蠻接氤氲明  
染薦廣樂陳  
奠嘉璧  
燎芳薪

膺寶圖執左契  
德應天聖饗  
帝薦表衷荷  
靈惠壽萬年  
祚百世

惟德動天有感必通  
秉茲一德禋於六宗  
欽黃寶命恭  
肅禮容來顧來享  
永穆皇風

天惟佑德辟乃奉  
天交感斯在昭  
事罔愆歲功已就  
王道無偏於馬  
報本是用告虔

慶順

聖皇戾止天步舒遲乾乾睿相穆穆皇儀進退必肅陟  
降是祇六變克協萬靈協隨

慶平

天命降鑒帝德惟馨享祀不忒禮容孔明奠璧布幣薦  
純獻精神祐以荅敷錫永寧

御定全唐詩卷七百三十四

欽定四庫全書

御定全唐詩卷七百三十五

和凝

和凝字成績鄆州須昌人舉進士唐天成中歷翰林學士知貢舉所取皆一時之秀晉天福五年拜中書侍郎同平章事入漢拜太子太傅封魯國公終於周凝為文章以多為富有集百餘卷今編詩一卷

宮詞百首

第九十首第  
一句缺一字

紫燎光銷大駕歸御樓初見赭黃衣千聲鼓定將宣赦  
竿上金雞翅欲飛

北闕晴分五鳳樓嵩山秀色護神州洛河自契千年運  
更擬波中出九疇

中興殿上曉光融一炷天香舞瑞風百辟虔心齊稽首  
捲簾遙見御衣紅

日和風暖御樓時萬姓齊瞻八彩眉瑞氣祥烟籠細仗  
閣門宣赦四方知

鳳吹鸞歌曉日明豐年觀稼出神京封人爭獻南山壽  
五色雲中御輦平

聖主臨軒待曉時穿花宮漏正遲遲雞人一唱乾坤曉  
百辟分班儼羽儀

朦朧西月照池亭初夜椒房掩畫屏宮女相呼有何事  
上樓同看老人星

紅泥椒殿綴珠璫帳盛金龍窳地長紅獸慢然天色暖  
鳳爐時復蕪沈香

九重樓殿簇丹青高柳含烟覆井亭宮內不知今日幾  
自來階下數堯堯

寢殿香濃玉漏嚴雲隨涼月下西南帳前宮女低聲道  
主上還應夢傳巖

遶殿鉤闌壓玉階內人輕語凭蔥臺皆言明主垂衣理  
不假朱雲傍檻來

顛預水面瑩池心風刮瑤階臘雪深怪得宮中無獸炭  
步搖釵是辟寒金

蘭殿春融自靚笙玉顏風透象紗明金簧如語鶯聲滑  
可使雲和獨得名

蘭燭時將鳳髓添寒星遙映夜光簾龍樓露著鴛鴦瓦  
誰近螭頭擲玉籤

玉甃蓮池春水平小魚雙竝錦鱗行內中知是黃河樣  
九曲今年徹底清

真珠簾外靜無塵耿耿涼天景象新金殿夜深銀燭晃  
宮嬪來奏月重輪



魚犀月掌夜通頭自著盤鶯錦臂講多把沈檀配龍麝  
宮中掌浸十香油

香雲雙颭玉蟬輕侍從君王苑裏行嘉瑞忽逢連理木  
一時跪拜賀文明

金鸞雙立紫檀槽暖殿無風韻自高含笑試彈紅藥調  
君王宣賜酪櫻桃

斑簟如霞可殿鋪更開新進瑞蓮圖誰人築損珊瑚架  
子細看時認漚蘓

金盆初曉洗纖纖  
銀鴨香焦特地添  
出戶忽看春雪下  
六宮齊捲水晶簾

暖金盤裏點酥山  
擬望君王子細看  
更向眉中分曉黛  
巖邊染出碧琅玕

雲母屏前繡柱衣  
龍沐閑卷諫書幃  
黃金檻外螭頭活  
日照紅蘭露未晞

樓西殘月尚朧明  
中禁雞人報曉聲  
清旦司天臺進狀  
夜來晴霽泰階平

織響摩軒響佩環銀臺門外集鴛鴦三鐘五鼓祥烟斂  
日照仙人捧露盤

司膳厨中也禁烟春宮相對畫秋千清明節日頒新火  
蠟炬星飛下九天

宮木交芳色盡深和風輕舞早鶯啞侍臣不異東方朔  
應喜仙桃滿禁林

貢橘香勻罨籬容星光初滿小金籠近臣押賜諸王宅  
拜了方開敕字封

獻壽朝元欲偃戈  
航深梯險競駢羅  
若論萬國來朝日  
比竝塗山更較多

艷陽風景簇神州  
杏葉桃心照鳳樓  
遙望青青河畔草  
幾多歸馬與休牛

鑿輿觀稼晚方歸  
日月旗中見御衣  
萬姓焚香惟頂禮  
瑞雲隨繖入宮闈

宮庭皆應紫微垣  
壯麗宸居顯至尊  
赤子顛顛瞻父母  
已將仁德比乾坤

三農皆已闢田疇又見金門出土牛  
塊雨條風符聖化  
嘉禾看却報新秋

進食門前水陸陳大官齋潔貢時新  
明君宵旰分甘處  
便索金盤賜重臣

層臺金碧惹紅霞仙掌亭亭對月華  
昨夜盤中甘露滿  
婕妤好爭去奏官家

水殿垂簾冷色凝一牀珍簟展春冰  
才人侍立持團扇  
金縷雙龍貼碧藤

香鴨烟輕熱水沈  
雲鬟開墜鳳屏  
替珠簾半捲開花雨  
又見芭蕉展半心

鶯錦蟬羅撒麝臍  
後貌輕噴瑞烟迷  
紅酥點得香山小  
峯上珠簾日未西

錦褥花明滿殿鋪  
宮娥分坐學樗蒲  
欲教官馬衝關過  
况願纖纖早擲盧

小樓花簇鈿山低  
金雉雙來蹋馬齊  
誇向傍人能彩戲  
朝來贏得鷺鷥犀

紅鬃白馬嫩龍飛  
天廐供來入紫微  
遙見玉階嘶不已  
應緣認得赭黃衣

班定千牛立受宣  
佩刀播笏鳳墀前  
一聲不坐祥雲合  
駕鷲依行拜兩邊

三殿香濃曉色來  
祥鸞威鳳待門開  
鉞金佩玉趨丹陛  
總是和羹作礪才

兩番供奉打球時  
鸞鳳分相錦繡衣  
虎驟龍騰宮殿響  
駢留爭趁一星飛

鳳池水泮岸莎勻柳眼花心雪裏新都是九重和暖地  
東風先報禁園春

紫氣氤氳滿帝都映樓明月鎖金鋪銀泥殿裏嫌紅燭  
教近龍床著火珠

地衣初展瑞霞融繡帽金鈴舞舜風吹竹彈絲珠殿響  
墜仙雙降五雲中

錦策勻鋪寒玉齊星鉅高運日通犀鏗金曲罷春冰碎  
跪拜君王粉面低



珠簾靜卷水亭涼  
玉蘂風飄小檻香  
幾處按歌齊入破  
雙雙雛燕出宮牆

宮娥解袂艷陽時  
鷓鴣蘭橈滿鳳池  
春水如藍垂柳醉  
和風無力裏金絲

白玉階前菊蘂香  
金杯仙醞賞重陽  
層臺雲集梨園樂  
獻壽聲聲祝萬康

天籟吟風社燕歸  
清蓮香老碧苔肥  
夜來霜墜梧桐葉  
諸殿平明進御衣

鑪熱香檀獸炭癡真珠簾外雪花飛六宮進酒堯眉壽  
舞鳳盤龍滿御衣

雲行風靜早秋天競遠盆池蹋采蓮卷畫披袍從窳地  
更尋宮柳看鳴蟬

闌珊星斗綴珠光七夕宮嬪乞巧忙總上穿針樓上去  
競看銀漢灑瓊漿

寶瑟淒鏘夜漏餘玉階閑坐對蟾蜍秋光寂歷銀河轉  
已見宮花露滴踈

春風金裊萬年枝  
簇白團紅爛漫時  
宮女競思遊御苑  
大家齊奏聖人知

乾文初見泰階平  
日月常遵閣道行  
昨夜仰觀垂象正  
拱辰星宿轉分明

鏘鏘濟濟赴延英  
漸近重瞳目轉明  
君聖臣賢魚水契  
鴻基須賀永清平

天廐駢駢集嫩龍  
雪光相照曉嘶風  
昂頭步步金鞍穩  
掌扇花前御路中

金吾細仗儼威儀  
聖旨凝旒對遠夷  
曉日瞳矐瞻玉案  
丁東環珮滿彤墀

正旦垂旒御八方  
蠻夷無不奉梯航  
羣臣舞蹈稱觴處  
雷動山呼萬歲長

聖主躬耕在籍田  
公卿環衛待豐年  
五風十雨餘糧在  
金殿惟聞奏舜絃

聖日垂科委所司  
英才咸喜過明時  
春官進榜鶯離谷  
月殿香殘桂魄枝

天街香滿瑞雲生  
紅繖凝空景日明  
先遣五坊排獵騎  
為民除害出神京

內宴初開錦繡攢  
教坊齊奏萬年歡  
簫韶響亮春雲合  
日照堯階舞瑞鸞

視草詞臣直玉堂  
對來新賜錦袍香  
班資最在雲霄上  
長是先迎日月光

玉殿朦朧散曉光  
金龍高噴九天香  
撼鞭聲定初開扇  
百辟齊呼萬歲長

五色卿雲覆九重香烟高舞御鑪中含元殿裏行仁德  
四海車書已混同

欲封丹詔紫泥香朱篆龍文御印光汗渙絲綸出丹禁  
便從天上鳳銜將

越溪姝麗入深宮儉素皆持馬后風盡道君王修聖德  
不勞辭輦與當熊

早梅初向雪中明風惹奇香粉葉輕誰道落花堪饋面  
競來枝上采繁英

暖殿奇香馥綺羅  
窗間初學繡金鵝  
纒經冬至陽生後  
今日工夫一綫多

金井澄泉玉液香  
瑠璃深殿自清涼  
溫湯頭進瓜初熟  
後至宮嬪未得嘗

繡闥雕甍列錦闈  
珍奇惟待鳳凰棲  
杏梁烜赫晴霞展  
時見空虛墜燕泥

龍鳳金鞍軟玉鞭  
雪花光照錦連乾  
駕頭直指西郊去  
曉日寒生講武天

夏雲樓上定風盤  
雀躍後跳總不難  
要對君王逞輕捷  
御樓時擬上雞竿

停穩春衫窄地長  
通天犀帶綴金章  
近臣銜命離丹禁  
高捧恩波灑萬方

垂黎玉押春簾卷  
不夜珠樓曉鑑開  
袍袴宮人走迎駕  
東風吹送御香來

金吾勅契自通官  
樓上初聞唱刻閑  
金殿香高初喚仗  
數行鴛鴦各趨班



螺髻凝香曉黛濃  
水精瀉鵝颯輕風  
金釵斜戴宜春勝  
萬歲千秋遠鬢紅

縷金團扇對織綺  
正是深宮捧日時  
要對君王說幽意  
低頭佯念婕妤詩

結金冠子學梳蟬  
碾玉蜻蜓綴鬢偏  
寢殿垂簾悄無事  
試香閑立御爐前

金馬詞臣夜受宣  
授毫交直八花磚  
白麻草了初呈進  
稱旨絲綸下九天

平明光政便門開已見忠臣早入來  
自是樞機符造化  
大羅天上曜三台

紅羅窗裏繡偏慵  
鞞袖閑隈碧玉籠  
蘭殿春晴鸚鵡睡  
結條釵颯落花風

曉光初入右銀臺  
鴛鴦分班啓沃來  
如水如魚何際會  
盡言金鼎得鹽梅

立名金馬近堯階  
盡是家傳八斗才  
麻尾尚猶龍字濕  
便從天上鳳銜來

後倪鎮角舞筵張鸞鳳花分十六行輕動玉纖歌遍慢  
時時偷眼看君王

邊藩

闕

宴賀休征細仗初排舜日明坐定兩軍呈百戲

樂臣低折賀昇平

碧羅冠子簇香蓮結勝雙銜利市錢花下貪忙尋百草  
不知遺却感金蟬

蘭省初除傅粉郎靜端霜簡入鴛行明廷轉制渾無事  
朝下空餘雞舌香

采訪寧遺草澤人  
詔搜無不降蒲輪  
集賢殿裏開爐冶  
待把黃金鑄重臣

紅玉纖纖捧暖笙  
絳唇呼吸引春鶯  
霓裳曲罷君王笑  
宜近前來與改名

繡額朱門插艾人  
羞將角黍近香唇  
平明朝下誇宣賜  
五色香絲繫臂新

芙蓉冠子水精簪  
閑對君王理玉琴  
鶯頭鶯唇勝仙子  
步虛聲細象窗深

金馬門開侍從歸，御香猶惹賜來衣。  
曉光滿院金魚冷，紅藥花擎宿露飛。

便殿朝回卸玉簪，競來芳檻摘花心。  
風和難捉花中蝶，却向窗間弄繡針。

君王朝下未梳頭，長暈殘眉侍鑑樓。  
扼臂交光紅玉軟，起來重擬理瑩篸。

九重天上實難知，空遣微臣役夢思。  
葵藿一心期捧日，強搜狂斐擬宮詞。

漁父歌

白芷汀寒立鶯鶯蘋風輕翦浪花時  
煙幕幕日遲遲香引芙蓉惹釣絲

楊柳枝

軟碧遙烟似送人映花時把翠眉  
頻青青自是風流主慢颭金絲待洛神

瑟瑟羅裙金縷腰黛眉隈破未重  
描醉來敲損新花子

拽住仙郎盡儘放嬌

同儘

鵲橋初就咽銀河今夜仙郎自姓和不是昔一作當年攀

桂樹豈能月裏索姮娥

解紅歌

唐有兒童解紅之舞

百戲罷五音清解紅一曲新教成兩個瑤池小仙子此時奪却柘枝名

題鷹獵兔畫

雖是丹青物沈吟亦可傷君誇鷹眼疾我憫兔心忙豈動騷人興惟增獵客狂蛟綃百餘尺爭及製衣裳

醴泉院

萬山嵐靄簇洋城數處禪齋盡有名古栢八株堆翠色  
靈泉一派逗寒聲暫遊頗愛閑滋味久住翻嫌俗性情  
珍重支公每相勉我於儒行也修行

興勢觀

山名興勢鎮梁洋儼有真風福此方瘦柏握盃籠殿紫  
靈泉澄潔浸花香暫遊頗愛閑人少久住翻嫌白日忙  
只向五千文字內願成金骨住仙鄉



洋川

華夷圖上見洋川  
知在青山綠水邊  
官閑最好遊僧舍  
江近應須買釣船

先生自舞琴

三樂連節

波上人如潘玉兒  
掌中花似趙飛

燕採蓮曲  
以上見樂書

御定全唐詩卷七百三十五

欽定四庫全書

集部

御定全唐詩卷七百

三十六至  
四十四

詳校官庶吉士臣胡 鈺

主事銜臣徐以坤覆勘

總校官知縣臣繆 琪

校對官中書臣高 中

謄錄監生臣鄒世俊

欽定四庫全書

御定全唐詩卷七百三十六

王仁裕

王仁裕字德輦天水人初爲秦州判官入蜀爲中書舍人翰林學士歷唐晉漢終戶部尚書罷爲太子少保周顯德初卒仁裕曉音律喜爲詩嘗集平生所作詩爲西江集今編爲一卷

從蜀後主幸秦州上梓潼山

綵仗拂寒煙鳴騶在半天黃雲生馬足白日下松巔盛  
德安疲俗仁風扇極邊前程問成紀此去尚三千

和蜀後主題劍門

孟陽曾有語刊在白雲稜李杜常挨托孫劉亦恃憑庸  
才安可守上德始堪矜暗指長天路濃巒蔽幾層

荆南席上詠胡琴妓二首

一作奉使荆南高從  
誨筵上聽彈胡琴

紅妝齊抱紫檀槽一抹朱弦四十條湘水凌波慚鼓瑟  
秦樓明月罷吹簫寒敲白玉聲偏婉暝逼黃鶯語自嬌

丹禁舊臣來側耳骨清神爽似聞韶

十國春秋高從誨世家注載首二句

云是從誨作

玉纖挑落折冰聲散入秋空韻轉清  
二五指中句塞鴈十三絃上嘯  
春鶯譜從陶室偷將妙曲向秦樓  
寫得成無限細腰宮裏女就中偏  
愜楚王情

題麥積山天堂

玉堂閒話云麥積山者北跨清渭南漸兩當岡巒崛起一石高

萬尋其青雲之半梯架空架險有散花樓由西閣懸梯而上有萬菩薩堂並就石鑿成自此室之上有一龕謂之天堂空中倚一獨梯至此萬中無一人敢登者仁裕獨登之仍題詩于天堂西

壁前唐末  
辛未年也

躡盡懸空萬仞梯等閑身共白雲齊  
簷前下視羣山小  
堂上平分落日低  
絕頂路危人少到  
古巘松健鶴頻棲  
天邊爲要留名姓  
拂石殷勤身自題

題斗山觀

玉堂閒話云興元斗山觀自平川聳起一山四面懸絕其上方於斗底故

號之有唐公昉飲李八百仙酒全家拔宅之跡  
仁裕辛巳歲爲節度判官嘗以片板題詩於觀  
癸未年入蜀因謁嚴真觀見斗山詩牌在焉不  
知所來舊說云斗山一洞與嚴真觀井相通也

霞衣欲舉醉陶陶

公昉家飲八百洗  
瘡酒醉而上昇

不覺全家住絳霄

拔宅只知雞犬在上天誰信路岐遙三清遼廓拋塵夢  
八景雲煙事早朝爲有故林蒼柏健露華涼葉鎖金甌

題孤雲絕頂淮陰祠

玉堂閒話云興元之南有大竹路通巴州深谿峭巖

捫蘿一上三日達山頂復登嶺其絕頂謂之孤雲兩角彼中諺云孤雲兩角去天一握淮陰侯祠在馬昔漢祖不用韓信遯歸西楚蕭相國追之及于茲山故立廟貌仁裕嘗佐襄梁帥王思同南伐巴人往返登陟留題于祠

一握寒天古木深  
路人猶說漢淮陰  
孤雲不掩興亡策  
兩角曾懸去住心  
不是冕旒輕布素  
豈勞丞相遠追尋

當時若放還西楚尺寸中華未可侵

和韓昭從駕過白衛嶺

龍旆飄颻指極邊到時猶更二三千登高曉蹋巉巖石  
冒冷朝衝斷續煙自學漢皇開土宇不同周穆好神仙  
秦民莫遣無恩及大散關東別有天

賀王溥入相

石林詩話云仁裕知貢舉取王溥為狀元溥時年二十六後六年溥

拜相時仁裕猶致仕無恙賀以詩

一戰文場拔趙旗便調金鼎佐無爲白麻驟降恩何極



黃髮初聞喜可知  
跋勅案前人到少  
築沙堤上馬歸一作  
歸  
遲立班始得遙  
相見親洽爭如未貴時

與諸門生春日會飲繁臺賦

柳陰如霧絮成堆  
又引門生飲古臺  
淑景即隨風雨去  
芳樽宜命管弦開  
謾誇列鼎鳴鐘貴  
寧免朝烏夜兔催  
爛醉也須詩一首  
不能空放馬頭回

示諸門生

一百一十四門生  
春風初長羽毛成  
擲金換得天邊桂

鑿壁偷將榜上名，何幸不才逢聖世。  
偶將疎網罩羣英，衰翁漸老兒孫小。  
異日知誰略有情。

過平戎谷弔胡嗣

湘有文學佐荆湖藩幕善草軍書茂視副軍構之主帥盡

室坑平戎谷仁裕過而弔之

立馬荒郊滿目愁，伊人何罪死林邱。  
風號古木悲長在，雨濕寒莎淚暗流。  
莫道文章爲衆嫉，只應輕薄是身讐。  
不緣魂寄孤山下，此地堪名鸚鵡洲。

奉詔賦劍州途中驚獸

蜀後主幸秦川至劍州西驚獸於路左叢林間

躍出搏一人去至行宮顧問臣僚皆陳恐懼命  
仁裕及李浩弼等賦之後主覽之大笑曰二臣

之詩各

有旨

劔牙釘舌血毛腥窺算勞心豈暫停不與大朝除患難  
惟餘當路食生靈從將戶口資嚙口未委三丁稅幾丁  
今日帝王親出狩白雲巖下好藏形

放猿

仁裕從事漢中有獻猿兒者憐其黠慧育  
之名曰野賓經年壯大跳擲頗爲患繫紅

綃於頸題  
詩送之

放爾丁寧復故林舊來行處好追尋

一作舊時侶  
伴好相尋  
月明

巫峽堪憐靜路隔巴山莫厭深

一作耐寒不憚霜中宿隱跡從教霧裏深

棲

宿

一作歸去

免勞青嶂夢躋攀應慙白雲心三秋果熟松梢

健任抱高枝徹曉吟

遇放猿再作

仁裕罷職入蜀行次漢江壩嶠冢廟前見一巨猿捨羣而前於道畔

古木間垂身下顧紅綃宛在以野賓呼之聲聲應立馬移時不覺惻然遂繼之一篇云

嶠冢祠前漢水濱飲猿連臂下嶠岫漸來子細窺行客  
認得依稀是野賓月宿縱勞羈縶夢松餐非復稻梁身  
數聲腸斷和雲叫識是前時舊主人

句

鐵鎖寨門高  
白日大張旗  
幟插青天

大散關

御定全唐詩卷七百三十六

欽定四庫全書

御定全唐詩卷七百三十七

馮道

馮道字可道景城人初爲劉守光叅軍後歷唐晉漢周  
事四姓十君並在政府自號長樂老卒謚文懿追封瀛  
王詩集十卷今存五首

天道

窮達皆由命何勞發歎聲但知行好事莫要問前程冬

去水須泮春來草自生請君觀此理天道甚分明

偶作

莫爲危時便愴神前程往往有期因須知海嶽歸明主  
未必乾坤陷吉人道德幾時曾去世舟車何處不通津  
但教方寸無諸惡狼虎叢中也立身

北使還京作

詩凡五章今  
僅存其一

去年今日奉皇華只爲朝廷不爲家殿上一杯天子泣  
門前雙節國人嗟龍荒冬往時時雪兔苑春歸處處花



上下一行如骨肉幾人身死掩風沙

贈竇十

燕山竇十郎教子有義方靈椿一株老丹桂五枝芳

放魚書所鑰戶

詩史云道性仁厚家有一池每得魚放池中其子監丞每竊釣

之道聞之不悅於是高其墻垣鑰其門戶作詩書其門

高却垣墻鑰却門監丞從此罷垂綸池中魚鱉應相賀  
從此方知有主人

句

朝披四襖專藏手夜覆三衾怕露頭

虜中大寒賜道錦襖貂襖羊狐貂衾

各一每入謁悉服四襖衣宿館中併覆三衾故云

牛頭偏得賜象笏更容持

虜以道有重名欲留之命與其國相同列所賜皆等虜賜臣下以牙笏及臘月賜牛頭皆殊禮也道皆得之以

詩謝以

已落地花方遣婦未經霜草莫教鋤

吟治上見叢苑

見事文類聚

視草北來唐學士擁旄西去漢將軍

同光中承旨盧

質節制河中贈見續翰林志

盧文紀

盧文紀字子持舉進士事梁爲集賢殿學士唐明宗時

爲御史中丞遷工部尚書貶石州司馬久之爲太常卿  
奉使於蜀過鳳翔廢帝時爲節度使見文紀竒之後入  
立拜爲中書侍郎同中書門下平章事周時進司空詩  
一首

後唐宗廟樂舞辭

仁君御宇寰海謚清運符武德道協文明九成式敘百  
度惟成金門積慶玉葉傳榮

崔居儉

崔居儉唐末進士仕後唐累官戶部尚書詩一首

後唐宗廟樂舞辭

艱難王業返正皇唐先天再造却日重光漢紹世祖夏  
資少康功成德茂率祀無疆

李濤

李濤字信臣避地湖南事馬殷後唐天成中舉進士歷  
事晉漢至宰輔入周封莒國公後歸宋詩一首

春社從李昉乞酒

石林詩話云俗稱社日飲酒  
治聲昉時爲翰林學士有月

給內庫酒故清從乞之杜公  
清小字與朝士言多以自名

社公今日沒心情爲乞治聾酒一瓶惱亂玉堂將欲徧  
依稀巡到第三廳

句

溪聲長在耳山色不離門

詩人  
玉屑

掃地樹留影拂牀琴

有聲 一言寤主寧復聽三諫不從歸去來

諫晉主不  
從作見

吟窗  
雜錄

盧士衡

盧士衡後唐天成二年進士集一卷今存詩七首

靈溪老松歌

靈溪古觀壇西角千尺鱗皴棟梁樸橫出一枝虀樓閣  
直上一枝掃寥廓白石蒼苔擁根脚月明風撼寒光落  
有時風雨晦暝擺撼若黑龍之騰躍合生於象外峰巒  
枉滯乎人間山岳安得巨靈受請託拔向青桂白榆邊  
安著

遊靈溪觀

雲藏寶殿風塵外粉壁松軒入看初話久仙童顏色老  
病來元鶴羽毛疎樵翁接引尋紅术道士留連說紫書  
不爲壯心降未得便堪從此翫清虛

寄天台道友

相思遙指玉霄峰悵望江山阻萬重曾隔曉窗聞法鼓  
幾同寒榻聽疎鐘別來知子長餐柏吟處將誰對倚松  
且住人間行聖教莫思天路便登龍

花落

迎風嘯未已和雨落穀穀千枝與萬枝不如一竿竹

鍾陵鐵柱

千年埋沒竟何爲變化宜將萬物齊安得風胡借方便  
鑄成神劍斬鯨鯢

僧房聽雨

古寺松軒雨聲別寒窗聽久詩魔發記得年前在赤城  
石樓夢覺三更雪

題牡丹



萬葉紅綃翦盡春丹青任寫不如真風光九十無多日  
難惜尊前折贈人

熊皦

熊皦後唐清泰二年登進士第延州劉景巖辟爲從事  
入晉拜補闕貶商州上津令屠龍集五卷今存詩二首

祖龍詞

平吞六國更何求童女童男問十洲滄海不回應悵望  
始知徐福解風流

謫居海上

家臨涇水隔秦川  
來往關河路八千  
堪恨此身何處老  
始皇橋畔又經年

熊皎

熊皎自稱九華山人  
南金集二卷今存詩四首

冬日原居酬光上人見訪

吾道喪已久  
吾師何此來  
門無塵事閉  
卷有國風開  
野迴霜先白  
庭荒葉自堆  
寒暄吟罷後  
猶喜話天台

早梅

江南近臘時已亞雪中枝  
一夜欲開盡百花猶未知  
人情皆共惜天意欲教遲  
莫訝無濃豔芳筵正好吹

懷三茅道友

塵事何年解客嘲  
十年容易到三茅  
長思碧洞雲窗下  
曾借黃庭雪夜抄  
丹桂有心憑至論  
五峰無信問深交  
杏壇仙侶應相笑  
只爲浮名未肯拋

贈胥尊師

綠髮童顏羽服輕  
天台玉屋幾經行  
雲程去速因風起  
酒債還遲待藥成  
房閑十洲煙浪濶  
籙開三洞鬼神驚  
他年華表重歸日  
却恐桑田已變更

句

山前猶見月陌上未逢人

早行 以下見雅言雜載

果熟秋先落

禽寒夜未棲

山居

深逢野草皆爲藥  
靜見樵人恐是仙

厭聽啼鳥夢醒後  
慵掃落花春盡時  
廢土有人耕

不畏古廳無訟醉何妨

見事文類聚

趙延壽

趙延壽本姓劉恒山人仕後唐尚主爲樞密使清泰末  
官至大丞相封魏王詩一首

塞上

黃沙風捲半空拋雲動陰山雪滿郊探水人迴移帳就  
射鵬箭落著弓抄鳥逢霜果飢還啄馬渡水河渴自跑  
占得高原肥草地夜深生火折林梢

高輦

高輦後唐秦王從榮府諮議叅軍詩一首

碁

野客圍碁坐，搗頤向暮秋。不言如守默，設計似平讐。決  
勝雖關勇，防危亦合憂。看他終一局，白却少年頭。

句

飄飄送下遙，天雪颯颯吹。乾旅舍煙

冬風見  
吟窗雜錄

韓昭裔

韓昭裔後唐清泰時宰相詩一首

與李專美

昭裔登庸汝未登鳳池雞樹冷如水何如且作宣徽使

免被人呼粥飯僧

時清泰帝以宰相李愚等無所事目曰此粥飯僧爾

張仁溥

張仁溥後唐大寧縣丞詩一首

題龍窩洞

折花攜酒看龍窩  
鏤玉長旌俊彥過  
他日各爲雲外客  
碧紗籠却又如何

李瀚

李瀚後唐天成中擢進士第仕晉爲翰林學士丁年集  
若干卷今存詩一首

留題座主和凝舊閣

座主登庸歸鳳闕門生批詔立鰲頭玉堂舊閣多珍玩  
可作西齋潤筆不

楊昭儉

楊昭儉石晉時人官尚書詩一首



題家園

池蓮憔悴無顏色  
園竹低垂減翠陰  
園竹池蓮莫惆悵  
相看恰似主人心

劉坦

劉坦進士第一人及第周恭帝時李重進鎮淮南辟爲  
掌書記詩一首

書從事廳屏上

南部新書坦好酒在維揚幕李帥嘗令酒庫但書記有客無多

少供之尋爲酒吏頗恠須索甚艱因書廳屏云云

金殿試迴新折桂將軍留辟向江城思量一醉猶難得  
辜負揚州管記名

韋遵

韋遵後周起居郎詩一首

題施璘畫竹圖

枯籜危根繳石頭千竿交映近清流堪珍仲寶

璘字窮幽

筆留得荆湘一片秋

御定全唐詩七百三十七

欽定四庫全書

御定全唐詩卷七百三十八

宋齊丘

宋齊丘字子嵩世爲廬陵人父誠爲洪州副使遂家焉  
吳時累官右僕射平章事李昇代吳以齊丘爲丞相同  
平章事尋出爲鎮南軍節度李璟嗣位召爲中書令顯  
德末放歸縊死集六卷今存詩三首

陪遊鳳凰臺獻詩

崖我壓洪泉，峯峇撐碧落。宜哉秦始皇，不驅亦不鑿。上  
有布政臺，八顧背城郭。山感龍虎健，水黑螭蜃作。白虹  
欲吞人，赤驥相搏撮。畫棟沉金碧，石路盤境埭。倒挂哭  
月猿，危立思天鶴。鑿池養蛟龍，栽桐棲鸞鷲。梁間燕教  
雛，石罅蛇懸殼。養花如養賢，去草如去惡。日晚嚴城鼓，  
風來蕭寺鐸。掃地驅塵埃，翦蒿除鳥雀。金桃帶葉摘，綠  
李和衣嚼。貞竹無盛衰，媚柳先搖落。一作松竹無時  
衰蒲柳先愁落塵  
飛景陽井，草合臨春閣。芙蓉如佳人，回首似調謔。當軒

有直道無人肯駐脚夜半鼠窸窣天陰鬼敲啄松孤不  
易立石醜難安著自憐啄木鳥去蠹終不錯晚風吹梧  
桐樹頭鳴曝曝峨峨江令石青苔何淡薄不話興亡事  
舉首思眇邈吁哉未到此褊劣同尺蠖籠鶴羨鳧毛猛  
虎愛蝸角一日賢太守時李昇爲  
昇州刺史與我觀索齋往往獨  
自語天帝相唯諾風雲偶不來寰宇銷一略我欲烹長  
鯨四海爲鼎鑊我欲取大鵬天地爲矰繳安得生羽翰  
雄飛上寥廓

贈仰山慧度禪師

初聞如自解及見勝初聞兩鬢堆殘雪一身披斷雲道  
應齊古佛高不揖吾君稽首清涼月蕭然萬象分

陪華林園試小妓羯鼓

切斷牙牀鏤紫金最宜平穩玉槽深因逢淑景開佳宴  
爲出花奴奏雅音掌底輕瓊孤鵲噪枝頭乾快亂蟬吟

開元天子曾如此今日將軍好用心

時李璟爲諸衛將軍

句

大似賢臣扶社稷  
遇明則見暗還藏

影詩見  
吟窗雜錄

### 馮延巳

馮延巳一名延嗣字正中廣陵人李璟爲元帥時辟掌書記璟立拜翰林學士進中書侍郎同平章事陽春集一卷今存詩一首

### 早朝

銅壺滴漏初晝高閣雞鳴半空催啟五門金鎖猶垂三殿簾櫳階前御柳搖綠仗下宮花散紅鴛瓦數行曉日

鸞旗百尺春風侍臣蹈舞重拜聖壽南山永同

句

青樓阿監應相笑書記登壇又却回

韓熙載

韓熙載字叔言北海人後唐同光中登進士第李昇建國用爲祕書郎璟嗣位拜虞部員外郎史館修撰知制誥後主時終中書侍郎集五卷今存詩五首

感懷詩二章

奉使中原  
署館壁



僕本江北人今作江南客  
再去江北遊舉目無相識  
金風吹我寒秋月爲誰白  
不如歸去來江南有人憶

未到故鄉時將爲故鄉好  
及至親得歸爭如身不到  
目前相識無一人出入空傷我  
懷抱風雨蕭蕭旅館秋歸  
來窗下和衣倒夢中忽到  
江南路尋得花邊舊居處  
桃臉蛾眉笑出門爭向前  
頭擁將去

漂水無相寺贈僧

無相景幽遠山屏四面開  
憑師領鶴去待我挂冠來  
藥

爲依時採松宜繞舍栽林泉自多興不是效劉雷

書歌妓泥金帶

風柳搖搖無定枝陽臺雲雨夢中歸  
他年蓬島音塵斷  
留取尊前舊舞衣

送徐鉉流舒州

時鉉弟錯亦貶烏江尉親友臨江相送

昔年悽斷此江湄風滿征帆淚滿衣  
今日重憐鵲鴿羽  
不堪波上又分飛

句

幾人平地上看我半天中

登樓見  
吟窗雜錄

### 李徵古

李徵古袁州宜春人南唐昇元末舉進士第官樞密副使坐宋齊丘黨賜死詩一首

### 登祝融峰

欲上祝融峰先登古石橋鑿開巖嶮處取路到丹霄

### 潘佑

潘佑幽州人南唐時累官虞部員外郎內史舍人滎陽

集十卷今存詩四首

七歲吟

馬令南唐書曰佑母方娠夢古衣冠人告曰我顏延之也與夫人爲子及生七

歲始能語曰兒悞傷白龍爲上帝所罰也因吟詩云云後果以三十六歲死

朝遊滄海東暮歸何太速祇因騎折白龍腰謫向人間  
三十六

送許處士堅往茅山

天壇雲似雪玉洞水如琴白雲與流水千載清人心君  
攜布囊去路長風滿林一入華陽洞千秋那可尋

送人往宣城

江畔送行人  
千山生暮氛  
謝安團扇上  
爲畫敬亭雲

失題

誰家舊宅春無主  
深院簾垂杏花雨  
香飛綠瑣人未歸  
巢燕承塵默無語

句

勸君此醉直須歡  
明朝又是花狼籍

見野客叢談

李昉

李昉南唐時人詩一首

寄孟賓于

初攜書劍別湘潭金榜標名第十三昔日聲名喧洛下  
近來詩價滿江南長爲邑令情終屈縱處曹郎志未甘  
莫學馮唐便休去明君晚事未爲慚

馬致恭

馬致恭南唐時人詩一首

送孟賓于

曾聞洛下綴神仙火樹南樓幾十年白首自忻丹桂在  
詩名已得四方傳行隨秋渚將歸雁吟傍梅花欲雪天  
今日還家莫惆悵不同初上渡頭船

張義方

張義方南唐時歷官侍御史勤政殿學士詩一首

奉和聖製元日大雪登樓

恰當歲日紛紛落天寶瑤花助物華自古最先標瑞牒  
有誰輕擬比楊花密飄粉署光同冷靜壓青松勢欲斜

豈但小臣添興詠  
狂歌醉舞一家家

御定全唐詩卷七百三十八